



МОНГОЛ УЛСЫН
БОЛОВСРОЛ, ШИНЖЛЭХ УХААНЫ
САЙДЫН ТУШААЛ

2022 оны 02 сарын 09 өдөр

Дугаар А/38

Улаанбаатар хот

Танхимын сургалтад шилжих тухай

Монгол Улсын Засгийн газрын тухай хуулийн 24 дүгээр зүйлийн 2 дахь хэсэг, Сургуулийн өмнөх боловсролын тухай хуулийн 9 дүгээр зүйлийн 9.2 дахь хэсэг, Бага, дунд боловсролын тухай хуулийн 15 дугаар зүйлийн 15.2 дахь хэсэг, Засгийн газрын 2022 оны 2 дугаар сарын 9-ний өдрийн хуралдаанаас өгсөн чиглэлийг тус тус үндэслэн ТУШААХ нь:

1. Ерөнхий боловсролын сургуулийн 2021-2022 оны хичээлийн жилийн хоёрдугаар улирлын хичээлийг 2022 оны 2 дугаар сарын 14-ний өдрөөс эхлэн танхимаар зохион байгуулсугай.

2. Цэцэрлэгийн сургалт, үйл ажиллагааг танхимаар дараах байдлаар эхлүүлсүгэй:

2.1. дунд, ахлах, бэлтгэл бүлгийн сургалт, үйл ажиллагааг 2022 оны 2 дугаар сарын 14-ний өдрөөс;

2.2. цэцэрлэгийн анги танхимын хүрэлцээ, багтаамжийг харгалзан бага бүлгийн элсэлтийг зохион байгуулж, 2022 оны 2 дугаар сарын 28-ны өдрөөс;

2.3. энэ тушаалын 2.1-д заасан бүлэгт 2021-2022 оны хичээлийн жилд боловсролын салбарын мэдээллийн системд бүртгэгдсэн хүүхдийг тус тус хамруулах.

3. Ерөнхий боловсролын сургуулийн 2021-2022 оны хичээлийн жилийн хоёрдугаар улирлын хичээл эхлэх хугацаанд өөрчлөлт орсонтой холбогдуулан Боловсрол, соёл, шинжлэх ухаан, спортын сайдын “Хичээлийн жилийн бүтэц шинэчлэн батлах тухай” 2020 оны А/244 дүгээр тушаалын хавсралтад заасан “Ерөнхий боловсролын сургуулийн хичээлийн жилийн бүтэц”-ийн хоёр болон гуравдугаар улирлын хичээл эхлэх, үргэлжлэх, дуусах хугацаанд өөрчлөлт оруулж хавсралт ёсоор баталсугай.

4. Энэхүү тушаалын хавсралтаар баталсан ерөнхий боловсролын сургуулийн хоёр, гуравдугаар улирлын хичээл эхлэх, үргэлжлэх, дуусах хугацааг 2021-2022 оны хичээлийн жилд мөрдсүгэй.

5. Энэхүү тушаалын 3-т заасан хичээлийн жилийн бүтцэд оруулсан өөрчлөлтийг 2022-2023 оны хичээлийн жил эхлэхээс өмнө хүчингүй болгож, өмнөх

142210111

зохицуулалтыг хэвээр мөрдүүлэхтэй холбогдох эрх зүйн зохицуулалтын арга хэмжээ авахыг Ерөнхий боловсролын асуудал хариуцсан нэгжид даалгасугай.

6. Энэхүү тушаалыг хэрэгжүүлэхтэй холбогдуулан дараах арга хэмжээ авч хэрэгжүүлэхийг холбогдох байгууллага, албан тушаалтанд үүрэг болгосугай:

6.1. сургалтын байгууллагын орчинд цэвэрлэгээ, халдваргүйжүүлэлт хийж, анги танхимын бэлэн байдлыг хангахыг цэцэрлэгийн эрхлэгч, ерөнхий боловсролын сургуулийн захирал нарт;

6.2. сургалтын байгууллагын орчинд суралцагч, багш, ажилтан амны хаалт тогтмол зүүх, анги танхимд агаар сэлгэлт хийх зэрэг халдварын тархалтыг бууруулах үндсэн арга хэмжээ болон эрүүл мэндийн байгууллагаас гаргасан коронавируст халдварын үед мөрдөх заавар, зөвлөмжийг баримтлах, тэдгээрийн хэрэгжилтэд хяналт тавьж ажиллахыг аймгийн боловсрол, шинжлэх ухааны газар, нийслэлийн боловсролын газрын дарга, цэцэрлэгийн эрхлэгч, ерөнхий боловсролын сургуулийн захирал нарт;

6.3. сургалтын байгууллагын орчинд коронавируст халдварын сэжигтэй тохиолдол бүртгэгдсэн нөхцөлд харьяа эрүүл мэндийн байгууллагад мэдэгдэж, мэргэжлийн байгууллагын заавар, зөвлөмжийн дагуу холбогдох арга хэмжээ авч ажиллахыг цэцэрлэгийн эрхлэгч, ерөнхий боловсролын сургуулийн захирал нарт.

7. Тушаалыг хэрэгжүүлэхэд орон нутгийн сургалтын байгууллагыг мэргэжил, арга зүйн удирдлагаар хангаж, хяналт тавьж ажиллахыг Боловсролын ерөнхий газар /Т.Ням-Очир/-т даалгасугай.

8. Энэхүү тушаал батлагдсантай холбогдуулан “Хичээл, сургалтын үйл ажиллагаанд зохицуулалт хийх тухай” Боловсрол, шинжлэх ухааны сайдын 2022 оны А/25 дугаар тушаалыг хүчингүй болсонд тооцсугай.

САЙД



Л.ЭНХ-АМГАЛАН

Боловсрол, шинжлэх ухааны сайдын
2022 оны 02 дугаар сарын 09 ний өдрийн
А/38 дугаар тушаалын хавсралт

**ЕРӨНХИЙ БОЛОВСРОЛЫН СУРГУУЛИЙН 2021-2022 ОНЫ ХИЧЭЭЛИЙН
II, III УЛИРЛЫН ХИЧЭЭЛ ЭХЛЭХ, ҮРГЭЛЖЛЭХ, ДУУСАХ ХУГАЦАА**

Улирал		Хоёрдугаар улирал										Гуравдугаар улирал							Хичээлийн жилийн нийт 7 хоног/өдөр							
Сар		II			III				IV			V				VI										
7 хоног		...	25	26	27	28	29	30	31	32	33	34	35	36	37	38	39	40		41	42	43				
АНГИ	I	ЦС	7 долоо хоног										8 долоо хоног							А		32/160				
	II																			Ш			А	33/165		
	III																			9 долоо хоног		Ш			А	
	IV																									
	V																									
	VI																									
	VII																									
	VIII																									
	IX																									
	X																									
	XI																									
	XII																									

Тайлбар: 2022 оны 01 дүгээр сарын 31, 2 дугаар сарын 01-ний өдрийн хичээлийг нөхөх ажлыг II улиралд багтаан зохион байгуулна.

Тэмдэглэгээ:

ЦС-билгийн тооллын хаврын тэргүүн сарын шинийн 1,2, 3 (нийтээр тэмдэглэх баярын өдөр)

Ш-шалгалтын 7 хоног

А-улирлын болон зуны амралт